



101号

柳洲詩存

吳郡 殷銘警齋

柯煜 南陔

贈次也以既見君子云胡不喜為韻八首

學者窺聖局苦為外物翳誰歟掣玉篴叩擊到深
地揚子洞義窟滾滾不可既發藥繼自今蓬心豈
終蔽

康瓠與周鼎久矣倪貴賤受材實逕庭不待智者
見自君出紺囊愧吾欲焚研世或稱楊柯老韓誤
同傳



四十三萬字。儒關當策勳。舉世但挂壁。擊悅徒紛
紛。剗心向六籍。蓄眼始見君。不殖吾將落。勉旃理
耨耘。

僦屋宣武門。追涼北窓啓。西山劃見面。浩翠潑簾
几。君來坐忘言。襟抱清于水。目擊道自存。妙處無
多子。

此日足可惜。退之不嘗云。火龍倏埽影。晴簷掛秋
雲。跂予同裘子。編刻日以勤。吾志空汲汲。吾道何
時聞。
秋。鐙。覩。文。字。秋。衾。夢。江。湖。故。山。天。一。角。薪。桂。炊。雕。

胡君歌非我調。鳳律占提扶。吾行異君轍。鷗盟渺
菰蒲。

沈郎雲夢胸。浩浩吞八九。玉唾迸四筵。運筆捷于
帚。飛騰天驥姿。萬里一驤首。非君作泰丙。得免泛
駕不。

昨者困採薪。結轡難自理。沈郎袖詩來。故得勿藥
喜。子寧不嗣音。片語託嚆矢。掉鞅行致師。臥鼓恃
深壘。

贈厚餘

七襄夜織機。絲勻裊蹄出。冶充國珍。魚鹽瑣瑣抱。

微用頗思飲助成光新沈郎才大駭一世赤手豢
擾千龍麟經奇緯麗富幽怪倚披萬象爭羅陳低
心泥我求是正吾語敢辱君書紳唐文三變變益
上韓柳嘉齊書嘯濟皆道真宋初崑體極靡敝醉翁獨立
開荒榛君今豪氣苦噴礪謹嚴尤願追先民邇來
汲古到深地下筆朗朗無纖塵驚飈駭電就妥帖
當時猛迅今則馴繁聲滌盡箏笛耳冷狀玉節和
金罇同游卓犖得畏友揚子出語尤清淳八絃何
時罩天網已見虹彩于星辰法宮雅頌要編纂安
得二子鏗韶鈞嘯四六呼也

訪索素菴苑東別業和蔣京少韻

霞外初停輻輳車高齋水石湛清華春光不是尋
常見賜出天家縹蒂花
隱几焚香對子綦石闌晴日轉花遲朝來雅被諸
公道遇見端門緩轡時

小游仙詩十二首

擬向華陽洞裏眠一生常對鵲爐煙吹笙至竟嫌
人籟滿耳松風近自狀
五采珍禽學奮飛三重阿閣靜朝暉桐花竹實渾
難覓眼見鷓雛不療飢

青桂年年瑣玉墀。天香不許外人知。素娥貪向雲
屏醉。偷被吳剛斫一枝。

上清童子朝相訪。自詫妍華列坐稀。身到大羅新
注籍。五銖衣傲六銖衣。

十二層樓十二闌。霞紋帔子不知寒。虹窓玉女投
壺罷。贏得囊中四蓋丹。

徑欲排雲訪大還。閨風有路叩瓊關。青童兀兀松
根睡。不敢分明響獸環。

懶跨斑麟與紫鸞。飈輪徐駕碧雲端。齊州九點飛
行遍。埽吸流霞酒未寒。

藻笈書成手自撈。玉梁一徑引攀躋。浮名莫道爲
仙障。早向丹臺列品題。

寥陽風月少人窺。手引方諸滴研池。檢點瓊箱寫
丹訣。窓扉面面綠琉璃。

偶卓筇枝蔭桂條。九光霞外鎮逍遙。鷓雛一餉無
羈束。偷啄芝田五色苗。

乍染緇塵計已非。故山蘿月挂熹微。彩鸞寫韻心
情懶。盼煞文簫跨虎歸。

摺得龍綃寄阿誰。翹仙一曲訴相思。無端吹入昭
華瑄。已被叢霄聖得知。

子雅清秀初入咸陽
獲玉笛名也

沈客子竹西厚餘招同人寒食宴集分韻二首

何意論文數應憐把臂難風光開勝賞邂逅得清
權雪色酒初瀉縹枝花未闌涓涓小紅袖只在画
圖看

捲幔延新霽添衣護薄寒鞦韆飄巷陌杏酪上盤
餐絲筆紛相向羈愁儘自寬銅街埽路近密炬任
燒殘

玉河新柳四首

鏡裏參差四堞明玉河如帶抱春城朝來分得龍

池雨一片我為黃早染成

紫燕紅鴛口往回雀翎小隊画棚開春旗一色蘭
成賦粧點華林馬射來

灞岸徒勞縮別離章臺枉自鎖相思城南尺五占
天象柳宿光添一萬枝

萬戶千門五色煙琉璃為帚埽娟娟江南大有藏
鶯樹爭願承恩向日邊

讀昌黎詩云長安百萬家出門無所之因成
一首呈上伯父

出門無所之用拙聊自守閉門夫何為卽事娛清

畫結棚垂馬乳插籬綠虎豆西山乃不速寸碧徑
相就玉泉遠可汲花蕊近可嗅敢學竹林狂寧甘
飯顆瘦縈盈一銖香恍若雲出岫試拈床頭易計
日勞講授

曹學士出家釀偶紀

狂奴自嘆小戶窄蕉葉纔乾身兀兀頽狀畧識醉
中趣甘露遺經刪不得市沽易酒名浪傳一杯到
口但飲溼碧山學士傾縹壺隔歲真珠小槽滴東
頭竹篠鄉思深如此風味吾能識江西擔取椒花
雨夸向渴羌何處覓

題沈厚餘白蘋吟卷

鏡裏全家罨畫秋沈郎生小戀汀洲燕南涿北飛
清夢越角吳根憶舊遊不分風埃隨馬跡慣將心
事託蘭舟生綃染就相思字一剪蘋香底許愁

次韵答素菴

信馬垂鞭夕照餘比來心事不堪書緇塵撲面詩
懷減韋曲看花跡也疎

承恩下直散衙香記咏薰風殿閣涼笑引玉船成
獨醉桐陰西轉慣移床

與楊次也乞牋歌

天上衍波人不識。薛濤小樣今無迹。頗聞好手出
 玲瓏。并刀剪落輕雲碧。濃染江頭瑟瑟波。雨後深
 苔無此色。三冬羈緒鎮鰥鰥。賸有詩騷破岑寂。天
 寒牙管阿誰呵。水凍陶泓閒自炙。長謠短引只書
 空。千頃煙霞恣浪籍。會稽九萬何敢望。百番願向
 君邊覓。綴玉聯珠迭往來。青猿會見疲奔役。

陸澹成侍讀即舍結小軒如煙篷一葉取范

石湖懷我白鷗邊。句自題曰懷鷗詩以紀之

漫說珊瑚拂釣竿。城南無境著煙巒。退朝十笏疑

香地。便擬鷗波萬里寬。

捲幔吟心入晚霞。衡天月浪靜苔槎。蒼茫一片瀛
 壖色。徑欲揚帆采石華。

簷花簇簇媚秋光。安穩朝眠薤葉涼。絕勝具區欹
 枕過。鏡中山色見漁洋。

屏間清夢挾飛仙。雲霧窓臨縹緲天。夜半龍吟驚
 四壁。一枝橫玉叫蒼煙。

癸酉七夕三首

前年七夕故園秋。新買吳姬未上頭。旋看花枝旋
 抱病。藥煙一縷颺簾鉤。

去年七夕淝州道。衝暑烏騾躑躅行。孤驛并無瓜果宴。病懷偏愛井華清。鳳城今夕知何夕。天比柴窑一樣青。愁病與儂原有約。拚教孤枕看雙星。

又一首

碧天恰似鏡揩磨。咫尺佳期事若何。辛苦金針分巧拙。往來銀漢慎風波。誰從烏鵲憐毛羽。多謝蜘蛛結網羅。珍重粧成問宜稱。支機石畔画雙蛾。

送錢亮功南歸

官燭論文夜悄。狀彩毫辛苦怨華年。湘君應學鮫

人泣。拾得青峰鼓瑟篇。

鸞鳳籠中尚剪翎。羈禽何敢訴飄零。江天羨爾歸飛路。兩點金焦撲面青。

長椿寺遇鮑孝儀留飲

阿蘭若古愜幽探。卮酒相從捉麈談。客裏銷寒還九九。林間開徑自三三。頗思郭索登霜俎。時見芻尼下石龕。一餉吳音騰笑語。心疑清夢落江南。

送許湄右歸揚

半載白雲司。得官不煖席。北闕早上章。遽以歸期乞。君家鶴髮翁。海內文章伯。揮手脫金魚。平山傲

晨夕誰歟採陔蘭。画省方挂笏。一朝謝官情。千里
供子職。祖帳藹都門。觀者三嘆息。君才敵萬人。未
易論斗石。艸書窺顛張。七字凌醉白。波瀾婦老成。
婀娜含典則。分曹治官書。研慮定科律。小秋暫發
軔。待試九霄翻。愛日敢留行。趨庭有愉色。人生能
致養。萬鍾不與易。伊余走京華。踽踽抱書冊。秋風
捐稔心。冬月練裙客。太學困壘鹽。短檠寒惻惻。同
舍來譏訶。不作一錢直。逢君眼獨青。忘形接車笠。
鰻魚與昌歎。嗜好乃爾癖。殷勤出苦語。至性動肝
膈。吾家舊青箱。冷落今可泣。艱難母尸養。憔悴子
耕婦能織。倘補束皙詩。爲君事編集。

上元集狄向濤庶常印舍分韵二首

三五晴光洗物華。冰輪飛湧列仙家。不辭义手從
吟社。應咲流涎向麴車。酒送駢筵爭往復。鐙垂曲
院互周遮。底須健步移梅至。天上新傳剪綵花。
九枝的爍鬪繁星。照徹琉璃六扇屏。五夜煩君椽
燭焰。十年慰我短檠青。玉東西醉醉還舞花。十八
歌歌莫停便。擬叮嚀遲曉箭。金鷄無那躍滄溟。

想好教日太多
清謝人深勸玉東
新樣築瓊夜六

送李紫翔遊山西用昌黎雪後寄崔二十六
韻

李生抱書困賢關。張頤哆口看屋山。懷中金薤闕
光焰。長日黯黯塵埃間。頗思勤買燕市酒。澆愁百
觥無酖顏。端倪萬象要經濟。男兒那復身常閒。華
平芝草不瑞世。誰令鋸跡同幽管。詰朝騎驢走三
晉。欲挽雙袖無由攀。春明柳色碧婀娜。離情不許
并刀刪。官齋鄂不樂。復樂歸期底用徵。刀環徒勞
異地苦相憶。窺人耿耿望河彎。新來解帶纔幾日。
合并一餉綠。仍慳何時後會手。祕寶爲我砭訂愚。

與頌

送丁卓峰舅氏之任新安再用前韻

峩峩嶺嶠橫秦關。木繇花高紅滿山。籤程歷歷森
在眼。攬身疑到羅浮間。我送舅氏適萬里。慷慨不
學兒女顏。天家要補五色線。誰令好手臨寬閒。乃
知造物寓深意。目擊厲民如艸菅。古稱愷悌神所
勞。賢人俎豆誰能攀。司空舊烈起循吏。家有治譜
世莫刪。公侯數傳必復始。黃衣早獻雙玉環。只今
爲政勞曲折。拊循粵俗心縈彎。此邦蓄眼誇未有。
獨我奉教時何慳。綠綈徵召歸不遠。行矣約束蛟

鰲頤

花下呈沈心齋諭德四絕句

別院摳衣請論文。脩狀琴帙對鱸芬。丁香花底繙經客。彷彿全身駐紫雲。

千頃圖書暢遠襟。麥光鋪八寫來禽。粉毫一束葵心賦。朶殿亭亭向日吟。

幾度披帷捉麈談。永明別體舊曾耽。郊居暇日招元禮。雌霓吟餘愧未諳。

下直逍遙日未斜。繁香挾客四欄花。底須藥玉船頻勸。催鬻頭綱八餅茶。

送祭酒吳先生覲省南歸五十韻

辟雍轟雲開煌煌。益經衍恭惟鼎軸手。萬象待烹

翰高座領師儒。東序資論說。睽暘驅風霆。搜漱窮

月窟。諸生舉舉來。講藝親甲乙。鋤剗肇悅華。刮磨

雅頌質。丹宸方右文。揮洒卿雲雲。拜首上玉階。願

得聖人筆。天章軋霄崢。擘窠動盤鬱。蚴蟉龍

螭姿。肅穆俎豆色。四姓小侯學。登進門日闢。會見

教育成。將相此中出。六館士負墻。文行嚴剖別。稜

稜戒標榜。廩廩要風骨。摳衣得面命。志氣自超越。

輪囷作人心。端可參密勿。先生自此升。人望比夔

睽暘

契浩狀懷故林陳情向閭闔君恩豈不戀有母今
 鶴髮懸旌指南雲肯為燭暑輟由來至性地足補
 陔蘭缺絕裾復何為功名浪英傑側聞太夫人神
 明朗冰雪鞠上壽時朱萼倍光潔想見定省餘
 黃海傲雲物三十六芙蓉蠟屐峯峯躡浮丘渺何
 許丹爐寄雲末黑猿紛相隨玉芝手可掇以茲奉
 靈萱延齡就怡悅日者行有期辦嚴事明發帳飲
 藹春明冠蓋羣英列一士立蒼茫摘詞吐酸切微
 軀實孤露祖德愧門閭擔簦走都亭層霄絕煦沫
 學舍裏蠶鹽抱書長矻矻摩挲石鼓文憩息魯齋

柏自念羽毛摧深慚才分劣提携辱師恩顧盼許
 入室岩堯龍門坂多士攀躋絕寒酸獨何幸對此
 青眼豁生成誼良厚在三不磨滅此身尚泥塗有
 足凡幾剛子淵附驥尾萬里冀一抹講席今睽違
 誰歟振疲茶晶熒感知淚終宵衣袂溼渾河激悲
 聲臨岐共嗚咽方茲泰階平開濟堯舜業吾師探
 造化元氣早融結起居向北堂慎勿淹車轍及時
 亮天工袞職佐宏遠

偶感

手勘殘書傍短檠懶將樸學競時名雲羅莫作鴟

雜計鄉信惟催杜宇聲。可使六州還鑄錯。縱無二頃也。婦耕宵來別。有飛騰夢千尺。渾河浩蕩行。

尚書東海公挽歌四首

位業丹臺表。風光綠野身。衛公違劍佩。傅說曖星辰。高致諳羅雀。斯文遠獲麟。賜環臨易簣。辜負詔恩新。

黯黯蛟龍匣。峨峨虎豹關。青睛窺甸外。赤舌涌人間。大樹何勞撼。浮雲竟不還。生平精爽在。遺表淚潺湲。

柳雅韓碑手。尙刀軒鏡心。起衰常汲汲。復古已駸駸。

駿萬丈留光焰。三朝仰照臨。全婦公不憾。韋舍况

華簪。

夙昔翹材館。頻年獨樂園。何時忘吐捉。末座黍琴尊。謬辱無雙譽。難酬一顧恩。三千徒步客。痛哭會

秋原。

秋夜偶成

千籟沉沉夜不譁。移時街鼓已停撾。殘書徹卷須添燭。童子開爐更瀹茶。捫手新涼生篔簹。面舉頭纖月掛簷牙。卧來特地聞香氣。始憶銅瓶尚有花。有嘆。

終爲光芒在。何能遠忌途。有心觀橐籥。無術止甌
與。帝曰甘棠笏。人言薏苡珠。抑揚青史筆。精爽恐
難誣。

送希深

自昔參諸老。微言接討論。得窺熙甫派。因在鈍翁
門。燕市雙羈旅。吳天各夢魂。結隣尋後約。舊業擬
重溫。

今向睢州去。何時負米歸。擔簦吾悵望。彈鋏爾睽
違。俛首生涯拙。捫心壯志非。不須羞碌碌。阿母幸
相依。

投龐工部時季父以詩稿乞序故有第二首
淨業龐居士。頭銜杜拾遺。戒香拈小偈。蠻布織新
詩。脫口紛天籟。持身儼律師。遠來章句客。爭欲認
鬚眉。

吾家狂阮籍。五字咏懷篇。古調誰相問。孤吟肯浪
傳。辦香欣有託。楮葉刻多年。倘付斯文印。千秋信
自堅。

送沈懷庭贊善心齋諭德南歸

西風攪離情。渾河轟高柳。蒼茫立岐途。欲別更翹
首。三載躅京塵。寥落無不有。惟我兩夫子。提携意

良厚耿耿薦雄心。琅琅說斯口。所嗟命壓人。高義
端不朽。恭惟丹青姿。夙擅典冊手。赤刀與陳寶。古
色動尊白。作賦聲摩空。奏御日未酉。九重鑒雙文。
天語賞淳茂。承明知遇深。親舍違戀久。願成東觀
書。旋上北堂壽。何期痛蓼莪。扶服事奔走。微軀感
知己。常恐初心負。自憐吟癡符。出輒被嘲詬。哲匠
獨見求。欲使良璞剖。此意竟乖睽。賤子終不偶。行
將駕一犁。且願耕五畝。請看豐城劍。屢爲塵土垢。
張雷尚高卧。安用衝牛斗。

送厚餘

太學遄卒業。念我婦有程。君方泥我住。豫愴乖違
情。人事莽難料。君乃北我行。阿翁抱苴杖。携家急
南征。君婦郭索肥。我行搏黍鳴。亦知非久別。不覺
雙淚橫。三年客燕市。出入追羣英。紛紛各有娛。駢
筵助喧轟。至于肝膈間。誰能便合并。君也關至性。
不異弟與兄。羈桎自多感。安慰成歡聲。獨持卓犖
志。汲古窺韶莖。涼秋倏分首。聚散吁可驚。長路添
衣裘。莫使霜雪嬰。阿翁哀毀性。水漿隨時營。開年
事登堂。懷抱得細傾。

別館

別館脩狀坐終宵萬慮澄茶聲清似澗菊色淡于
僧銀葉香成篆筠牕月有稜睡蛇渾掃却聊取隱
囊憑

題項霜田讀書秋樹根圖

魁梧八尺軀抱志極奇峭卷書秋樹陰孤坐若持
釣瀉水三萬軸滾滾出談笑何爲把一編守約已
居要人言秋士悲鏟跡企雲嶠先生振奇者不與
秋同調虎鞞桃杖杖壓倒萬年少曷不獵高原箭
作鵝鴟叫曷不學長生芝童侍丹竈曷不泥酒壚
鯨飲百觴醕區區文字間安足寄排鼻汲古豈不

深適俗毋乃拙咄哉騏驥姿寫作臞儒貌霜皮黛
色雕落葉風繚繞比衛已支離此士久埋照頻年
讀君詩韓門實深造硬句盤層空絕塵安敢到餘
子強操觚紛紛比蟬噪鑄金我有心傳衣君肯告
低頭拜此圖不顧俗子誚

雪崖工部招飲崇效寺

落葉紛不埽霜林響蠟鞋茶烟凝小院竹影漾寒
堦軟語無多子微言亦復佳行廚具鱸蕘吾意在
清齋

龐工部惠叢碧山房詩集

平頭叩戶早知聞，珍重囊開古錦紋。
檢校一官爲一集，摩挲三沐更三薰。
冰甌風味清無敵，月斧功夫志不分。
從此鑄金申頂禮，小窓終日對鑪芬。
贈言堂宴集分韻。

風雪離襍鶴，江湖浩蕩鷗。
那堪京輦夢，重與故人遊。
文字知無補，琴杯且小留。
諸君誰好事，爲我辦滄洲。

賦得臘近已含春

雪車冰柱漫嶙峋，中有芬靈一線春。
煖律試吹應得氣，凍醪計日許嘗新。
液池鱗甲潛飛動，宮樹腰

肢解欠伸，點檢風光過九九。
晴郊茸帽屬閒身。

新城公席上對雪徵事得白太傅

太傅丘壑胸物外，暢幽趣伊水風雪中。
孤艇出雲樹前牽，蓑笠翁葦間自褰。
泝旁睨巾角，僮烟際理茶具低篷對。
禪客清影照巾屨，邂逅盧尚書極目。
凭闌處問訊白衣人，遙指香山路。
脩狀醉吟身，一葉中流去。至今出塵姿，談者起遐慕。
誰能繪高躅，縹緲動烟素。

懷六叔父雲南

一曲家山隔阮林，浮雲南北黯離襟。
人如遷客三

年宮書勸加餐萬里音月落烏啼驚噩夢天低鶻
沒動哀吟伏波兄子渾慙愧懶惰兼無刻鵠心

上元蹋燈詞十首

金鑰千門徹夜開商雲一片卷樓臺交光倒影層
層見身入盤龍鏡裏來

城南風月倍關身燒燭團圍笑語親聞道漢宮祠
太乙也堆梨棗祝蠶神

火樹交枝散蠟花長竿一線走金蛇阿誰獨立星
橋外素影亭亭吸兔芽

腰鼓聲高衆騎停玲瓏院宇綴繁星狂奴欲認簪

花格畱眼來看水墨屏

試整花冠鞞鳳鞋星萬點引娑娑莫教看盡魚

龍變太覺兒郎狡獪多

閒跨紅鴛袖寶鞭曹騰心事憶吳天鈿車一輛如
流水錯認凝粧隱画船

向晚雙眉画更彎媚人春色動朱顏園官烘出新
桃杏恰伴蛾兒上髻鬟

一盞膏油刺繡紋縞衣那得慕如雲東家誇殺金
閨婿婦袖傳柑贈細君

鏡檻螺屏儼画圖團窠蜀錦罨流蘇請看桮棬量

金手。有念寒。梳夜織無。
綵樹虹橋事事新。三年蹋遍鳳城春。水紋帕子桃
枝扇。手寫燈詞別贈人。

楊崇木編修招諸公興勝寺看杏花

銅街日日塵漲天。當春不見花便娟。筠籃携出數
枝艷。有買便欲傾囊錢。画盆髹几少位置。油窓誰
伴幽人眠。朝隨諸公簇鞍馬。郊坰小隊穿雲烟。問
途詰曲不數里。已覺耳目祛嗔鬪。遙尋鐘聲識古
寺。瘦僧如腊來道前。方方青豆入幽邃。中有十畝
開花田。百株穠杏帶風露。天與標格非朱鉛。誤疑

維摩十笏地。散花滿袂驚高禪。不狀化人出光相。
空濛下罩兜羅綿。心開落一彈指。聊擺俗累窮
懽妍。行厨彷彿拖樓底。小亭半艤耶溪舫。諸公戲
謔無不有。回眸一笑花媽狀。更臨高閣送落日。西
山恰在青松巔。不離京輦得此境。何爲塵土來無
緣。朝來李花尚含蕊。玉膚向晚俄芳鮮。化工剪刻
有底急。豈與詩客爭雕鐫。僧言地僻得花性。以時
灌溉勞機泉。臨行珍重戒攀折。上馬欲去空遷延。
今宵安穩化蝴蝶。夢魂栩栩香林邊。

三月晦日狄立人庶常招同諸公寄園雅集

飛步韋杜曲城南叩深局。紋楸響臙膊。石戶穿瓏
玲。賤子愧後至。諸公例忘形。冠珮任倒落。禽魚暢
瞻聽。疎紅戀老蒂。濃綠扇幽馨。爽氣撲夏簟。流光
歇春蕙。來窺訝遲緩。把玩嗟飄零。作達不汲汲。絨
愁空冥冥。拂拭進蠻榼。軒豁臨莎庭。索偶競推擇。
分曹互調停。駢筵攢酒戶。半壁蹲茶星。或訪無功
鄉。或採桑苧。經細傾止一勺。轟飲連長餅。坐次隔
河漢。嘲諧鬪雷霆。捷誇船過埭。快比水建瓴。啞
嗽音有紛笑牒。含咀飽言魚。而霞岩胸起。涼波沃面醒。敲
斜日凝紫。踊躍山音有紅。青沉暝。倒載簡扶持。荷插伶

婦途書此景。秋蛇汙窓屏。

楸花應教

青青兩株楸。上有珍禽栖。主人忘憂館。愛護逾棠
梨。花光入酒琖。碎紅搖玻璃。樂此春夏交。幽賞紛
攀躋。如何醴陵賦。清秋感淒淒。如何洛中女。摘葉
空相携。

贈戴坤釜四絕句

逋翁山下著書人。也向京華蹋軟塵。天遣幽慵成
莫逆。與儂合是比肩民。
纔着征衫已惘然。夜來貪夢好林泉。怪君閒却雙

柑手搏黍偷聲學杜鵑

我愛鄧州彭檢討。經年合眼臥書棚。雁門太守逡巡去。却為潛夫倒屣迎。

寒瘦篇章儘自奇。屏翁底事尚兒癡。黃金作紙珠排字。博得人看損却詩。

寄同學支品山

宣武門西倒影中。遙山一幘畫晴空。清輝彷彿伊人面。縮地能來笑語同。

苦憶移床曲尺眠。西齋聽雨短檠前。短檠此夜還聽雨。回首西齋是夢邊。

莆陽初學四靈詩。迺後剗心向出奇。五百年來論

象罔丹丘自詭得。摩尼法許亦能寂象罔詩為歸力破源溪

一曲冷然指下清。海山寥濶遇連成。疾琴彈向無

人處。世上兒郎喜泛聲。

清秋樓指數歸期。繞舍行編鹿眼籬。從此笮衣無

復出。相依土銼煮黎和。

寄魏東老

夢魂連夜叩莎庭。身侍詩翁鬢尚青。龍性豈能安

豢擾。鶴頭無計返沉冥。琴僧對校南薰譜。酒客分

鈔。甘露經翹首。江天占象緯。苾寒色正。少微星。

寄錢彤對

幾年吟社最關情。千里書郵數寄聲。浪迹難陪丞相掾。余不與閣試絕交仍遇孔方兄。壺鹽太學愁中度。櫻笋家山夢裏行。歸到西窓尋舊約。與君燒燭呪明瓊。

寄四叔父

三年羈夢隔溪堂。憑仗新詩好寄將。物外烟霞供浪士。世間門戶壞緇郎。秋田賸喜齊頭熟。臘酒先開撇醜香。歲晚同人身動護。惜孫枝。又見出墻匡。

上尚書吉水公

細縵兩儀力。烹斡真宰貶。物區洪纖河。書雀籙局。祕寶異人挺。出當其。公平名德稟。天秀慶霄霍。地朝陽暹。朝章庭誥飽。研習攫身直。上金背蟾。西清東觀有作述。夜難椽燭紛丹槩。韓碑柳雅富奇奧。周情孔思鈞深潛。手提玉尺向南服。鵠袍萬士勞針砭。豈無干莫蝕塵土。得公磨礪生銚銛。只今周行羅衆俊。脫不遇公終滯淹。始知仙骨可立變。神人一七逾青黏。天書趣召黃閣老。奏對溫室何深嚴。豈惟門下掌封駁。法宮贊道陳羲炎。古者天工以時亮。司空百揆秩可兼。帝曰往哉慎乃憲。

六官之長人翹瞻。臣心如水飭綱紀。惟願爲國籌
黎黔。自公退食但端坐。部居戢戢三萬籤。聊蒼洞
歷日津逮。篆烟一穗紫疎簾。旁搜劄書及脞錄。博
採東鱓兼西鷄。堂堂筆陣掩百代。諸子安足當韜
鈴。補天餘事寫風月。萬手沫墨窮紈縑。側聞
重屢嘉嘆。詔取卷軸登御奩。薰琴穆穆事賡載。
行見六幕恩光霑。念公位峻百僚上。修綆汲古意
未厭。鯁生游嬉乃自廢。小言何有空詹詹。同學錢
生說名姓。宮墻數夕窺。覘私憐太學短檠底。羈
身寸祿何由沾。紫微一枝阻攀折。明經碌碌行自

劄錄也
脞碎也
大旨也

嫌寥陽咫尺不得。誰能衣我青霞襜。明璫翠羽
珠十斛。膏沐何可施。隄廉將婦奉母守耕讀。袖携
短冊腰霜鏃。平生感激事賢意。豈忍畢志棲窮檐。
人言蠖伏安所待。待公丹地和梅鹽。

館于東直門內距宣武門十五里許念城南

朝夕之樂慨狀成咏得三十韻寄上舍人

伯父兼呈曹學士

宣武門邊宅三年眠飯同。阿咸依大阮。嵇紹附山
公。面命提携切心期。笑語通。渾忘京輦夢。仍是竹
林風。家釀糟床壓盆花。火炕烘月軒分灑。激雪砌

埽玲瓏篆影浮香母。書痕摺粉蟲。鬪茶朝鹿鹿。看
劍夜熊熊。檻貯遙山翠。樓延落照紅。堰高喧浴象。
埽迴試鳴弓。萬柳前春種。千絲曉霧濛。點波分燕
媿。踏浪戲鳧翁。入寺招禪侶。臨流俯釣童。意行圖
畫裏。人在鏡奩中。覓句曾無倦。看囊報屢空。生涯
嗟素拙。綺語哂徒工。臣朔寧甘餓。奴星豈送窮。結
隣當硯北。避世卽墻東。賣傲情非激。耽幽體自充。
飛騰追甫白。寂寞養軒雄。倦鳥歸難就。羈禽羽未
豐。革華悲盡力。毛穎望推功。黯淡青箱學。摧傷紫
桂叢。經時鑽故紙。何路賤新宮。泛泛隨飄梗。悠悠

信轉蓬。傭書歎燕頰。失足問鴻蒙。幸舍愁相傍。賢
關業可攻。別離鮑思入。氣味暗惺惚。夢隔重城捷。
詩傳客子衷。只應疲小隸。足繭遞吟筒。

閏端午集沈贊善宅分賦

佳辰重疊費招呼。角黍筵前興不孤。學士翻新描
閣帖。美人依舊縛釵符。塵容莫問江心鏡。酒債還
尋燕市壚。客裏風光太飄蕩。兩年三度泛菖蒲。

送陸雅坪學士致仕南歸

未及懸車歲。何爲拂袖還。峻除方特達。勇退自脩
閒。紫誥無心綰。青霞得意攀。東城簇鞍馬。供帳画

圖間

憶昨當纁夏。賡歌上苑開。少雙稽古力。第一揆天
才。丹地驚揮洒。彤闈密鑒裁。煌煌批勅手。催向北
扉來。

帝欲成公美。超朕許遂初。碧山期不負。紫閣驗何
如。舊築三間屋。重溫四庫書。籠街今袞袞。誰駕軟
輪輿。

神武陶堅白。稽山賀季真。偶來沾冕紱。終是遠風
塵。疇昔頻求假。今茲遂乞身。頤賢在雲壑。何用繪
麒麟。

絕少丘園祿。誰爲酒債謀。金鑿談曝背。黃妳藉扶
頭。刁氏藏春塢。楊家釣雪舟。八騶都謝遣。藜杖引
清遊。

賤子幽慵質。天隅進退難。孝標憐葛屨。子美嘆儒
冠。援手心常切。臨岐淚不乾。風霜公自愛。長路慎
加餐。

督捕理事官胡公招同進士吳暲太學生項

溶錢名世楊守知宴集邸舍敬觀

御書及暢春園分賜餅蓮拜賦長句

南風之薰生化。瑟淵鑒齋中地。清謚詔進儒臣

頌玉食駝羹雞跖金盤集側生冰齒甘漿溢特勅
湖山許游息画撓一徑環彎入鏡奩倒影天翠溼
芙蓉亭亭矜玉立回首人間無此色佩文深殿展
籤帙龍跳虎臥聖人筆吳綾鸚文扇蟬翼羣公
拜賜鳧藻出更折雙蓮遞分給清卿開筵事光飾
上。述。殊。榮。思。報。德。下。勗。諸。生。宜。努。加。卿。雲。在。霄。光。
在。室。冉。冉。天。香。新。拂。拭。翠。濤。滿。盞。不。敢。吸。太。學。諸
生。苦。佔。畢。凡。將。籀。史。乃。其。職。手。縮。秋。蛇。指。偏。澀。童
蒙。香。艸。困。採。拾。天。上。采。華。幾。曾。識。方。今。聖。謨。光。八
極。至。尊。天。縱。不。日。逸。藝。龍。農。穗。邁。前。式。墨。海。千

尋浩難測從臣稽百盛經術供奉才名咸第一雅
頌淋漓含典則吾徒何事荒學殖若農望歲忘力
穡從茲修綆勤自汲行歛春華就秋實煩公當路
拔幽仄酒罷屏營理烟墨拜首謹識年月日

柳洲詩存終

輦下和鳴集

借題集句

卷一

